



**შპს ქართულ-ამერიკული უნივერსიტეტის
სამართლის, სოციალური მეცნიერებების და დიპლომატიის სკოლის
ებრაული კვლევების სამეცნიერო-კვლევითი ცენტრის (ინსტიტუტის)
დებულება**

მუხლი 1. ზოგადი დებულებები

- 1.1. ებრაული კვლევების სამეცნიერო-კვლევითი ცენტრი (ინსტიტუტი) არის შპს ქართულ-ამერიკული უნივერსიტეტის სამართლის, სოციალური მეცნიერებების და დიპლომატიის სკოლის სტრუქტურაში შემავალი სამეცნიერო-კვლევითი ერთეული.
- 1.2. შპს ქართულ-ამერიკული უნივერსიტეტის სამართლის, სოციალური მეცნიერებების და დიპლომატიის სკოლის ებრაული კვლევების სამეცნიერო-კვლევითი ცენტრი (ინსტიტუტი) (შემდგომში ცენტრი) თავის საქმიანობას წარმართავს ამ დებულების შესაბამისად.
- 1.3. წინამდებარე დებულებაში ცვლილებების შეტანა ხორციელდება სამართლის, სოციალური მეცნიერებების და დიპლომატიის სკოლის საბჭოს გადაწყვეტილებით.

მუხლი 2. ცენტრის მიზანი და საქმიანობის ძირითადი მიმართულებები

- 2.1. ებრაული კვლევების ცენტრის მიზანია:
 - 2.1.1. ებრაული კულტურის, ისტორიის, საზოგადოებისა და პოლიტიკის აკადემიური შესწავლის ხელშეწყობა და განვითარება სხვადასხვა სამეცნიერო პერსპექტივებიდან;
 - 2.1.2. ხელი შეუწოს ისეთი პროცესებისა და მოვლენების შესწავლასა თუ განალიზებას როგორებიცაა ებრაელთა როლი და ადგილი ევროპის ისტორიაში, ებრაელთა ისტორიული განვითარება საქართველოში;
 - 2.1.3. მათი ურთიერთობები ეთნიკურ უმრავლესობასთან, ჰოლოკოსტი და მისი სოციო-კულტურული შედეგები, თანამედროვე ისრაელის ჩამოყალიბების ისტორიული ფაზა და მისი დღევანდელი პოლიტიკური, სოციალური, ეკონომიკური და კულტურული ცხოვრება და ა.შ.
- 2.2. ცენტრი ახორციელებს როგორც პრაქტიკულ ასევე კვლევით საქმიანობას რაც ხელს შეუწყობს ამ დარგის პოპულარიზაციას თანამედროვე ქართულ აკადემიური და კულტურულ ცხოვრებაში.
- 2.3. ცენტრის ბაზაზე, ცენტრის მეცნიერ-თანამშრომელთა ხელმძღვანელობით, პრაქტიკას გადიან სკოლის სტუდენტები.
- 2.4. ცენტრი პერიოდულად ატარებს საერთაშორისო კონფერენციებს.

მუხლი 3. ცენტრის სტრუქტურა

- 3.1. ცენტრი შედგება ცენტრის ხელმძღვანელის (დირექტორი) და წევრების - სამეცნიერო პერსონალისგან.
- 3.2. საჭიროების შემთხვევაში ცენტრის ფარგლებში, ცენტრის დირექტორის გადაწყვეტილებით, სტრუქტურული ერთეულის სახით შეიძლება ჩამოყალიბდეს სამეცნიერო-კვლევითი პროექტ(ებ)ი, რომელსაც ხელმძღვანელობს დირექტორი.
- 3.3. პროექტის მიზანია კონკრეტული მიმართულებით პრობლემატური საკითხის კვლევა.

მუხლი 4. ცენტრის სამეცნიერო პერსონალი

4.1. ცენტრის სამეცნიერო პერსონალი იქმნება სკოლის აკადემიური პერსონალისა და სხვა მეცნიერ-თანამშრომლებისგან. ცენტრის მეცნიერ-თანამშრომლად შესაძლებელია მოწვეულ იქნეს შესაბამისი დარგის მეცნიერი, რომელსაც უნივერსიტეტში არ უკავია აკადემიური თანამდებობა.

მუხლი 5. ცენტრის გადაწყვეტილება

- 5.1. ცენტრის გადაწყვეტილება მიიღება ცენტრის წევრთა ერთობლივ სხდომაზე, რომელსაც ხელმძღვანელობს დირექტორი.
- 5.2. ცენტრის წევრთა სხდომები ტარდება საჭიროებისამებრ ცენტრის დირექტორის გადაწყვეტილებით ან/და წევრთა 2/3-ის მოთხოვნით. სხდომაზე განიხილება:
 - 5.2.1. ცენტრის სამეცნიერო საქმიანობის ძირითადი მიმართულებები;
 - 5.2.2. სამეცნიერო-კვლევითი საქმიანობის გეგმები და პროექტები;
 - 5.2.3. პროექტის სამუშაო გეგმა;
 - 5.2.4. ცენტრის სტრუქტურის შეცვლის, აგრეთვე კვლევითი სამუშაოების ჩასატარებლად განსაზღვრული სახსრების გამოყენების საკითხები;
 - 5.2.5. სხვა სამეცნიერო დაწესებულებებთან და ორგანიზაციებთან თანამშრომლობის საკითხები;
 - 5.2.6. პროექტის ხელმძღვანელის, ცალკეულ მეცნიერთა საქმიანობის ანგარიშები;
 - 5.2.7. უცხო ქვეყნების სამეცნიერო დაწესებულებებთან და უნივერსიტეტებთან ერთობლივი კვლევების შესრულების მიმდინარეობა; ცენტრის თანამშრომელთა ანგარიშები უცხოეთში სამეცნიერო მივლინებების შესახებ.
- 5.3. გადაწყვეტილება მიიღება სხდომაზე დამსწრე წევრთა უმრავლესობით ღია კენჭისყრით.
- 5.4. სხდომა ფორმდება ოქმით, რომელსაც ხელს აწერს ცენტრის დირექტორი და სხდომის მდივანი.

მუხლი 6. ცენტრის დირექტორი

- 6.1. ებრაული კვლევების ცენტრის დირექტორს თანამდებობაზე ნიშნავს უნივერსიტეტის პრეზიდენტი სკოლის დეკანის წარდგინებით. ცენტრის დირექტორად შეიძლება დანიშნული იქნეს სკოლის პროფესორი ან ასოცირებული პროფესორი, რომელიც არის სამეცნიერო-კვლევითი ცენტრის წევრი.
- 6.2. ებრაული კვლევების ცენტრის დირექტორი:
 - 6.2.1. ხელმძღვანელობას უწევს ცენტრის საორგანიზაციო საქმიანობას;
 - 6.2.2. ცენტრის სამეცნიერო მიმართულებებს დასამტკიცებლად წარუდგენს სკოლის საბჭოს;
 - 6.2.3. ორგანიზებას უწევს სამეცნიერო პროექტების დაფინანსებას, მატერიალურ-ტექნიკურ უზრუნველყოფას, სამეცნიერო ფორუმების გამართვის გეგმების შედგენას;
 - 6.2.4. ხელს უწყობს ცენტრის სამეცნიერო კონტაქტების განვითარებას საქართველოსა და უცხოეთის სამეცნიერო-სასწავლო და სხვა ხასიათის დაწესებულებებთან;
 - 6.2.5. ორგანიზებას უწევს სამეცნიერო კვლევების გამოქვეყნებას;
 - 6.2.6. სკოლის დეკანს განსახილველად წარუდგენს პროექტის ხელმძღვანელის კანდიდატურას.
- 6.3. ცენტრის დირექტორი ანგარიშვალდებულია სკოლის დეკანის წინაშე.

მუხლი 7. პროექტის ხელმძღვანელი

- 7.1. პროექტის ხელმძღვანელი:

7.1.1. ხელმძღვანელობს ცენტრის თემატური გეგმით გათვალისწინებულ პროექტს (პროექტებს);

7.1.2. ყოველი წლის ბოლოს ცენტრის წევრთა ერთობლივ სხდომაზე წარადგენს გაწეული სამეცნიერო-კვლევითი სამუშაოების შედეგებს.

მუხლი 8. მეცნიერ-თანამშრომელი

8.1. მეცნიერ-თანამშრომელი მონაწილეობს ცენტრის საქმიანობაში.

8.2. მეცნიერ-თანამშრომელს უფლება აქვს:

8.2.1. დამოუკიდებლად განსაზღვროს სამეცნიერო კვლევის შინაარსი, მეთოდები და საშუალებები;

8.2.2. მონაწილეობა მიიღოს დაფინანსების მოსაპოვებლად კონკურსსა და სხვა ღონისძიებებში;

8.2.3. წარმართოს ნებისმიერი სახის საქმიანობა, რომელიც დაკავშირებულია ცენტრის მიერ დასახული ამოცანების შესრულებასთან.

მუხლი 9. ცენტრის ფინანსები

9.1. ცენტრის დაფინანსების წყაროა შიდა საუნივერსიტეტო და გარედან მოზიდული თანხები.

9.2. ცენტრს შეიძლება ჰქონდეს საკუთარი ანგარიში/ქვეანგარიში.

მუხლი 10. გარდამავალი დებულებები

10.1 ცენტრის საქმიანობის შეწყვეტა შესაძლებელია ნებისმიერ დროს სკოლის საბჭოს გადაწყვეტილებით.

10.2. ცენტრის ლიკვიდაციის (საქმიანობის შეწყვეტის) შემდეგ მისი ქონება რჩება უნივერსიტეტს.

მუხლი 11. ცენტრის რეკვიზიტები

საქართველო, ქ. თბილისი, 0160, მერაბ ალექსიძის 10, შპს ქართულ-ამერიკული უნივერსიტეტი.